

# **Fagini ataasiakkaani meeqqat atuarfianni inaarutaasumik aammalu inaarutaasumik annertusisamik misilitsinnissamik siunertaqartunik atuartitsineq pillugu Namminersornerullutik Oqartussat nalunaarutaat**

Sunngiffimmi sammisassaqtitsineq pillugu Inatsisartut peqqussutaanni nr. 5-imi 9. april 1992-imeersumi § 10, imm. 5, naapertorlugu aalajangersarneqarput:

## **Kapitali 1**

### *Siunertarisaq*

**§ 1.** Fagini ataasiakkaani inersimasunut kursusertitsinermit siunertaavoq inuit atuarfimmik qimatseersimasut periarfississallugit inuttut ineriartornissamut aammalu periarfississallugit annerusumik ilinniagaqarnissamut piumasaasumik ilisimasassanik piginnaasariaqartunillu pissarsinissaannut.

## **Kapitali 2**

### *Meeqqat atuarfianni inaarutaasumik. aamma inaarutaasumik annertusisamik misilitsinnerit*

**§ 2.** Misilitsinnissamut piareersaataasumik atuartitsineq meeqqat atuarfianni inaarutaasumik misilitsinnissamik siunertaqartoq pingaartumik 19-it qaangerlugit ukioqalereersimasunik sunngiffimmi atuartitsinermit atasumik pilersinneqassaaq.

*Imm. 2.* Misilitsinnissamut piareersaataasumik atuartitsinissaq meeqqat atuarfianni atuartitsinermit ataqatigiissinneqassaaq meeqqat atuarfiat pillugu Inatsisartut peqqussutaanni § 4 naapertorlugu, tak. meeqqat atuarfiini sunngiffimmi sammisassaqtitsineq pillugu nalunaarut, ingerlanneqassallunilu meeqqat atuarfianni fagini misilitsinnissamut piareersaataasumik atuartitsisarnertut allatulli.

*Imm. 3.* Kommunimi oqartussaasut aalajangiinerat malillugu nalunaaquttap akunneri arlallit imminnut ilinniartittunut ilitsersuinermit atugassanngortinneqarsinnaapput.

**§ 3.** Misilitsinnissamut piareersaataasumik atuartitsineq inaarutaasumik misilitsinnermik imaluunniit annertusisamik misilitsinnermik inaarneqarsinnaasoq aqqissuunneqarsinnaavoq fagini: kalaallit oqaasii, danskita oqaasii, kisitsineq/matematikki, tuluit oqaasii aamma fysikki/kemii.

*Imm. 2.* Atuartitsinerup siunertaa imarisaalu meeqqat atuarfianni atuartitsinissanut pilersaarutini oqaatigineqarput.

**§ 4.** Atuartitsineq inaarutaasumik misilitsinnissamik siunertaqartoq aqqissuunneqarsinnaavoq ukiumi ataatsimi kursusernertut imaluunniit ukiuni marlunni kursusernertut aamma klassit qulinganni imaluunniit

aqqarnanni sammivimmut tamatigoortumut naleqquttunngorlugu, nalunaaquttap akunnerisa amerlassusilerneqarnissaat aalajangersakkat ataani allassimasut iluanni pisussanngorlugu:

	ukiumi ukiuni	ataatsimi marlunni
kalaallit oqaasii	200-240	400-480
danskit oqaasii	200-240	400-480
kisitsineq/matematikki	200-240	400-480
tuluit oqaasii	140-180	280-360
fysikki/kemii	100-120	200-240

**§ 5.** Atuartitsineq inaarutaasumik annertusisamik misilitsinnissamik siunertaqartoq aaqqissuunneqarsinnaavoq ukiumi ataatsimi kursusernertut imaluunniit ukiuni marlunni kursusernertut aamma klassit qulinganni imaluunniit aqqarnanni sammivimmut annertusisamut naleqquttunngorlugu, nalunaaquttap akunnerisa amerlassusilerneqarnissaat aalajangersakkat ataani allassimasut iluanni pisussanngorlugu:

	ukiumi ukiuni	ataatsimi marlunni
kalaallit oqaasii	200-240	400-480
danskit oqaasii	200-240	400-480
kisitsineq/matematikki	200-240	400-480
tuluit oqaasii 1	140-180	280-360
fysikki/kemii	100-120	200-240

**§ 6.** §§4 aamma 5 malillugit ukiumut ataatsimut aaqqissukkami kursuseqataassagaanni peqataasussap klassit qulinganni fagit uani pineqartut sammivinnut immikkoortinneqarnerisut pereersimassavai imaluunniit allatigoorluni ilisimasassat pisariaqartut pissarsiarereersimassallugit.

*Imm. 2.* §§ 4 aamma 5 malillugit ukiunut marlunnut aaqqissukkami kursuseqataassagaanni peqataasussap klassit qulingiluanni fagit uani pineqartut sammivinnut immikkoortinneqarnerisut pereersimassavai imaluunniit allatigoorluni ilisimasassat pisariaqartut pissarsiarereersimassallugit.

**§ 7.** Misilitsikkumaneq misilitsinnerlu pisassapput aalajangersakkat meeqqat atuarfiannut atortuusut malillugit, takuuk meeqqat atuarfiat pillugu Inatsisartut peqqussutaanni § 15.

### Kapitali 3

#### *Aalajangersakkat allat*

**§ 8.** Fagini ataasiakkaani atuartitsisarnermi allatigut makku piumasaqaataapput:

- 1) Pisortaq ilinniartitsisorlu, atuartitsinermik siulersuisuusussat, tamatumunnga piukkunnaateqassapput.
- 2) Atuartitsineq inini naleqquttuni pisariaqartunillu atortuuteqartuni ingerlanneqassaaq.
- 3) Atuakkat atuartitsinermilu atortussat allat akilersinnagit peqataasunut atugassanngortinneqassapput.
- 4) Fagini ataasiakkaani atuartitsinermi peqataanermut akiliuteqartitsineqartassaaq, tak. sunngiffimmi ilinniartitsinermi peqataanermut akiliuteqartarneq pillugu aalajangersakkat.

**§ 9.** Peqataajumasut ikinnerpaamik arfneq-pingasut nalunaarsimappata ilinniaqatigiit pilersinneqassapput.

*Imm. 2.* Peqataasut takkuttartut agguaqatigiissillugit amerlassusii sap. akunnerisa tulleriiginnaat sisamat ingerlaneranni sisamanit ikinnerulerpata ilinniaqatigiit atorunnaarsinneqassapput.

**§ 10.** Kursusernissamik kissaatigisat peqataaniartut ikippallaarnerat pissutigalugu pilersinneqarsinnaanngippata peqataaniarlutik qinnuteqartut meeqqat atuarfianni sunngiffimmi atuartitsinermi misilitsinnissamut piareersaataasumik atuartitsinernut innersuunneqarsinnaapput. *Imm. 2.* Atuaqatigiit meeqqat atuarfianni sunngiffimmi atuartitsinermi misilitsinnissamut piareersaataasumik atuartitassatut imaluunniit sunngiffimmi atuartitsinermi fagini ataasiakkaani atuartitassatut naatsorsuunneqassanersut aalajangerneqartassaaq atuaqatigiit aallartinneranni peqataasut amerlanersaasa qassinik ukioqarneri najoqqutaralugit.

#### **Kapitali 4**

##### *Atulorfissaa*

**§ 11.** Nalunaarut una atortuulissaaq decembarip aallaqqaataani 1993-imi.

*Imm. 2.* Ulloq taanna atorunnaassaaq Namminersornerullutik Oqartussat nalunaarutaat nr. 22, 2. juli 1986-imeersoq.

*Imm. 3.* Taamaattorli atuaqatigiit aggustip aallaqqaataani 1993-imi ukiumi ataatsimi imaluunniit ukiuni marlunni kursusernissatut pilersinneqartut nal. akunneri nalunaarummi imm. 2-mi taaneqartumi allattorsimasut atussavaat fagini nalunaarummi uani §§ 4-mi 5-imilu taaneqartuni.

*Namminersornerullutik Oqartussat, ulloq 26. november 1993.*

Marianne Jensen

/

Aqigssiaq Møller

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut

